



დაიჯესტი

18 - 25 ივნისი, 2022



ტერორიზმის კვლევითი ცენტრი
TERRORISM RESEARCH CENTER

ამერიკის შეერთებული შტატები

საშინაო უსაფრთხოების დეპარტამენტის განცხადებისა და ABC News-ის მიერ მოპოვებული [სადაზვერვო ანალიზის თანახმად](#), უცხოური ტერორისტული ორგანიზაციებიდან მომდინარე საფრთხე და კიბერ საფრთხეები ისეთი მოწინააღმდეგეებიდან, როგორცაა რუსეთი, არჩევნებში ჩარევის ჩათვლით, სავარაუდოდ, გაიზრდება 2022 წელს. 8 ივნისით დათარიღებული დოკუმენტი, სახელწოდებით „ძირითადი საფრთხეები სამშობლოსთვის 2022 წელს“, ამტკიცებს, რომ ყველაზე დიდ საფრთხეს შეერთებული შტატებისთვის ამ წელს წარმოადგენს მართობელა მგლები და ექსტრემისტული რწმენებით მოტივირებული ინდივიდთა მცირე ჯგუფები. დოკუმენტში ასევე ყურადღებაა გამახვილებული პანდემიის გამო შემსუბუქებული სამოგზაურო შეზღუდვების პირობებში უცხოური ტერორიზმის აღორძინების საფრთხეზე.

გაერთიანებული სამეფო

გაერთიანებული სამეფოს საგარეო საქმეთა სამინისტროს განცხადებაში ნათქვამია, რომ თალიბების მიერ დაკავებული [ხუთი ბრიტანელი გაათავისუფლეს](#). ბრიტანელი მამაკაცები ექვსი თვის წინ „ავღანეთის კანონისა და ავღანელი ხალხის ტრადიციების დარღვევის ბრალდებით“ დააკავეს, თალიბანის სპიკერმა ზაბიჰულა მუჯაჰიდმა ტვიტერზე განაცხადა. თალიბების მიერ უცხოელების დაპატიმრება დაიწყო გასული წლის ბოლოს და გრძელდებოდა თვეების განმავლობაში, რადგან მისი ხელმძღვანელობა აქტივისტებსა და ჟურნალისტებს ქვეყანაში სათანადო დოკუმენტაციის გარეშე მუშაობაში ადანაშაულებდა. „შეთანხმება მიღწეული იქნა ბრიტანეთის მთავრობასა და ავღანეთის ისლამურ საამიროს შორის შეხვედრების სერიის შემდეგ“, - თქვა მუჯაჰიდმა და დასძინა, რომ დაკავებულები გაერთიანებული სამეფოს ხელისუფლებას კვირას გადაეცა. გაათავისუფლებულთა შორის იყო BBC-ის ყოფილი ოპერატორი პიტერ ჯუვენალი. მამაკაცის გაათავისუფლების შესახებ ინფორმაცია გაუღერდა გაერთიანებული სამეფოს საგარეო საქმეთა სამინისტროს იშვიათი განცხადებიდან, რომელიც გმობს ავღანეთში ყველა მხარის მიერ პოლიტიკურ ძალადობას.

„ფაშისტური“ ბლოკის უჭრედის წევრები, რომლებიც [3D პრინტერზე იარაღის ნაწილებს ამზადებდნენ](#) და მასობრივი სროლებით ტკბებოდნენ, დააპატიმრეს. სამი მამაკაცი და ერთი ქალი გაასამართლეს 18 ბრალდებისთვის, მათ შორის, რასიზმით განპირობებული ძალადობა და მკვლელობა, მარტში ორთვიანი სასამართლო პროცესის შემდეგ. შეფილდის სამეფო სასამართლოში 29 წლის დენიელ რაიტს, 31 წლის ლაიამ ჰოლს, 29 წლის სტეისი სალმონს, 29 წლის სემუელ უიბლს თავისუფლების აღკვეთა 31 წლის ვადით მიესაჯათ.

ნორვეგია

25 ივნისს, 01:00 საათზე 42 წლის მამაკაცი ოსლოდან, თავს დაესხა ლონდონ ჰაბს. თავდასხმის შედეგად დაიღუპა 2 და დაშავდა 21 ადამიანი. ლონდონ ჰაბი LGBTQ+ თემის შეკრების ცნობილი ადგილია. მომხდართან დაკავშირებით, ადგილობრივმა LGBTQ+ თემმა წევრებს სახლში დარჩენისაკენ მოუწოდა. საპატრულო სამსახურების განცხადებით, [აღნიშნული დანაშაულის სიძულვილის ნიადაგზე ჩადენა განიხილება](#).

სირია

[დაეშმა პასუხისმგებლობა აიღო](#) ორშაბათს ჩრდილოეთ სირიაში სამოქალაქო ავტობუსის თავდასხმაზე, რომლის შედეგადაც 13 ადამიანი დაიღუპა და სამი დაიჭრა. ექსტრემისტულმა დაჯგუფებამ ორშაბათს გვიან გავრცელებულ განცხადებაში ახსენა, რომ მისი შეიარაღებული პირები ავტობუსს ავტომატური თოფებით დაესხნენ თავს. მან ასევე გამოაქვეყნა თავდასხმის ფოტოები. სირიის არმიამ განაცხადა, რომ დაღუპულთაგან 11 ჯარისკაცია. სამხედროების თქმით, ასევე დაიჭრა სამი ჯარისკაცი. ავტობუსს თავს დაესხნენ ჩრდილოეთ რაქას პროვინციაში, ქალაქ ჰომსისკენ მიმავალ გზაზე. IS-ის ბოევიკებმა 2014 წელს ერაყისა და სირიის მესამედში ეგრეთ წოდებული „ხალიფატი“ გამოაცხადეს და ქალაქი რაქა მათი დე-ფაქტო დედაქალაქი იყო. ისინი 2019 წელს დამარცხდნენ, მაგრამ ისლამური სახელმწიფოს მძინარე უჭრედები კვლავ ახორციელებენ სასიკვდილო თავდასხმებს. უჭრედები აქტიურობდნენ აღმოსავლეთ, ჩრდილოეთ და ცენტრალურ სირიაში.

ერაყი

ერაყმა ქვეყნის დასავლეთში [დაეშის სავლე მეთაურის მკვლელობა](#) საჰაერო თავდასხმის შემდეგ გამოაცხადა. განცხადებაში მითითებულია ლიდერი, როგორც ანბარის ვალი. სამი სხვა ბოევკი დაიღუპა ერაყის საჰაერო ძალების მიერ ფედერალური დაზვერვისა და საგამოძიებო სააგენტოსთან კოორდინირებული საჰაერო თავდასხმის შედეგად, ნათქვამია განცხადებაში. დარიგების სურათებში ნაჩვენებია იყო დაზიანებული სატვირთო მანქანა უდაბნოში. იქვე იწვა სხეული, იდო თოფები და საბრძოლო მასალა, ფორთოხლითა და კიტრით სავსე პლასტმასის ჩანთები, ასევე ორცხოხილა. ასევე განცხადებაში ნათქვამია, რომ დაღუპული მეთაური ერაყის რუტბას რაიონში მოგზაურებზე თავდასხმების უკან იდგა - ნათქვამია: „ისლამური სახელმწიფოს ტერორისტულმა დაჯგუფებებმა დაკარგეს ერთ-ერთი ყველაზე მნიშვნელოვანი კრიმინალური ლიდერი“. 2014 წლის შუა რიცხვებში ISIS-მა დაიპყრო ერაყისა და სირიის დიდი ნაწილი და გამოაცხადა "ხალიფატი" ორ მეზობელ ქვეყანაში. შეერთებული შტატების ხელმძღვანელობით საერთაშორისო კოალიციის მხარდაჭერით, ერაყმა 2017 წლის ბოლოს გამოაცხადა გამარჯვება ISIS-ის წინააღმდეგ სამწლიანი დამძლეული ბრძოლის შემდეგ. თუმცა, ტერორისტული ჯგუფის უჭრედები აგრძელებენ თავდასხმებს, განსაკუთრებით ჩრდილოეთ და დასავლეთ ერაყის უზარმაზარ უდაბნო რეგიონებში სირიის საზღვართან.

ისრაელი

ისრაელის კოალიციის დაშლის გამო, [ჰამასი](#) და სხვა ტერორისტული ჯგუფები ისრაელის წინააღმდეგ თავდასხმების გაგრძელებით იმუქრებიან. დაჯგუფებებმა განაცხადეს, რომ პრემიერ მინისტრ ნაფტალი ბენეტის მთავრობის დაშლას ხედავენ, როგორც პალესტინის "წინააღმდეგობის" ფრაქციებთან წარუმატებელი დაპირისპირების შედეგს, განსაკუთრებით ჰამასსა და ისრაელს შორის წინა წლის ომის განმავლობაში და შემდეგ. ტერორისტული ჯგუფების მადა სავარაუდოდ, კოალიციის დაშლის შემდეგ გაიზრდება, რაც ისრაელის წინააღმდეგ თავდასხმებს გაზრდის ისრაელში მომდევნო საყოველთაო არჩევნებამდე. ჰამასის და პალესტინის ისლამური ჯიჰადის ოფიციალური პირები ამბობდნენ, რომ კოალიციის დაშლა ისრაელის "მყიფეობის" და "სისუსტის" ნიშანი იყო. მათ განაცხადეს, რომ ღაზაში დაფუძნებული ჯგუფები დარჩებიან მაღალ მზადყოფნაში,

რათა "ჩაშალონ" ისრაელის ახალი "აგრესია პალესტინელი ხალხის წინააღმდეგ". რამდენიმე პალესტინელმა თქვა, რომ ისინი არ გამორიცხავენ, რომ ტერორისტული ჯგუფები არჩევნებამდე პერიოდს ისრაელის წინააღმდეგ თავდასხმების გასაძლიერებლად გამოიყენებენ, რადგან მათ სწამთ, რომ დროებითი მთავრობა იქნება ძალიან სუსტი და არ ენდომება ახალ საომარ მოქმედებებში ჩართვა.

პალესტინა

ისლამისტურმა დაჯგუფება „ჰამასმა“ გადაწყვიტა აღადგინოს კავშირები სირიასთან, 10 წლის შემდეგ, რაც დაჯგუფების [ხელმძღვანელობამ თავი აარიდა](#) დამასკოს პრეზიდენტ ბაშარ ალ-ასადის მიერ მისი მმართველობის წინააღმდეგ წამოწყებული აჯაყების ჩახშობის გამო. როგორც როიტერის წყაროები იუწყებიან, მხარეებმა გამართეს რამდენიმე „მნიშვნელოვანი შეხვედრა ამ მიზნის მისაღწევად“. ჰამასის ლიდერებმა საჯაროდ დაუჭირეს მხარი ასადის დინასტიური მმართველობის დასამხობად გამართულ აჯანყებას და დატოვეს დამასკოს შტაბ-ბინა. ამან გააბრაზა მათი საერთო მოკავშირე, ირანი. ჰამასის კავშირები ირანთან მოგვიანებით აღდგა.

იემენი

ოთხშაბათს, 22 ივნისს, ეჭვმიტანილი [ალ-კაიდას მებრძოლები](#) თავს დაესხნენ უსაფრთხოების პუნქტს სამხრეთ იემენის პროვინციაში, რომლის დროსაც დაიღუპა ხუთი სამხედრო და სამი შეიარაღებული პირი. ოფიციალური პირების განცხადებით, თავდასხმა დილით, მთიანი პროვინციის შაბვას დედაქალაქ ატაკაში მოხდა. არც ერთ დაჯგუფებას არ აუღია პასუხისმგებლობა ჩასაფრებაზე, რომლის სამიზნე სეპარატისტული სამხრეთ გარდამავალი საბჭოს ლოიალური ჯარების პოსტი იყო. სეპარატისტულ საბჭოს, რომელიც სამხრეთ იემენის დიდ ნაწილს აკონტროლებს, მხარს უჭერს არაბთა გაერთიანებული საამიროები. ოფიციალური პირების განცხადებით, გაძლიერებული ჯარები გაიგზავნა სტრატეგიულ ქალაქში, რომელიც ერთგვარ კარიბჭეს წარმოადგენს ნავთობის საბადოებისა და უდაბნოს მისადგომებთან, საუდის არაბეთის საზღვართან. ამავე ოფიციალური წყაროების თანახმად, ალ-კაიდას ძალები, რომლებიც ამ რეგიონში აქტიურობენ, დგანან ამ თავდასხმების უკან.

მაროკო

მარაქეში ჩრდილოეთ აფრიკისა და საჰელის ქვეყნების [კონტრტერორისტული და უსაფრთხოების სააგენტოების ორდოიან სამიტს მასპინძლობს](#). შეხვედრა, რომელიც იმართება გაეროს კონტრ-ტერორიზმის ოფისის ეგიდით, აძლევს მონაწილეებს პლატფორმას, განიხილონ სტრატეგიები და მიდგომები, რათა გააძლიერონ რეგიონული თანამშრომლობა კონტრტერორისტულ საკითხებზე, ტერორისტული საფრთხის შეფასებისა და გრძელვადიანი მდგრადობისთვის საჭირო შესაძლებლობების განვითარებისთვის. შეხვედრებს 23 ქვეყნის წარმომადგენელი ესწრებოდა ზემოთ აღნიშნული რეგიონიდან.

ბურკინა-ფასო

ბურკინა ფასოს არმიამ განაცხადა, რომ მას შემდეგ რაც ახალმა მთავრობამ დასავლეთ აფრიკის ქვეყანაში მზარდი ძალადობის დაძლევის პირობა დადო, არმიან მინიმუმ 128 „ტერორისტი“ მოკლა. სამხედრო შტაბის განცხადებით, პირველი ოპერაცია ჩატარდა ქვეყნის ჩრდილო-დასავლეთ რეგიონში, ბუკლე დუ მუჰუნში, რომელიც ესაზღვრება მალის. [„სადაზვერვო საქმიანობამ მოგვცა საშუალება დაგვედგინა ტერორისტული ადგილები და განგვეხორციელებინა სერიოზული თავდასხმები“](#), - ნათქვამია განცხადებაში. ასევე ნახსენებია, რომ ოპერაციის დროს "სულ მცირე 100 ტერორისტი" დაიღუპა. არმიის ცნობით, ოპერაციის დროს ორი ჯარისკაციც დაიღუპა და 18 დაშავდა. მეორე ოპერაცია, ჩრდილოეთით ნამისიგუიმაში მალაროზე თავდასხმის შემდეგ ჩატარდა, დაიღუპა "20-ზე მეტი ტერორისტი". მესამე ოპერაცია, რომელიც მიზნად ისახავდა სამედიცინო დახმარების მიწოდებას მშვიდობიანი მოსახლეობისთვის ნიგერის საზღვართან, „დაიგეგმა როგორც G5 Sahel-ის ნაწილი და განხორციელდა ბურკინა-ფასოსა და ნიგერის ქვედანაყოფების მიერ“. ბურკინაბის არმიის თქმით, ამ ოპერაციაში რვა "ტერორისტი" დაიღუპა. შექმნილი 2014 წელს, G5 Sahel შედგებოდა დაახლოებით 5000 ჯარისკაცისგან მავრიტანიიდან, ჩადიდან, ნიგერიიდან, ბურკინა-ფასოდან და მალიდან, სანამ მალის არმიამ დატოვა ორგანიზაცია.

ნიგერია

შაბათს, 18 ივნისს, ნიგერიის საინფორმაციო სააგენტოს (AFP) ცნობით, ისლამურ სახელმწიფოსთან კავშირში ეჭვმიტანილმა შეიარაღებულმა პირებმა 10 ადამიანი მოკლეს [ჩრდილო-აღმოსავლეთ ნიგერიის ბორნოს შტატში](#). თავდასხმას 9 მამაკაცსა და ერთ ქალზე სწორედ მაშინ ჰქონდა ადგილი, როდესაც ისინი სამხედრო ოპერაციების დროს დამწვარი მანქანებიდან ლითონის ჯართს აგროვებდნენ სოფელ გონი ქურმში, ქალაქ ბამასთან ახლოს. როგორც ირკვევა, მსხვერპლთა ცხედრები სამოქალაქო პირებმა ამოიღეს და ბამაში გადაიტანეს. ნიგერიის არმიას მომხდარის შესახებ კომენტარი ჯერ არ გაუკეთებია. ბოლო დროს, ჯიჰადისტები არაერთხელ დაესხნენ თავს სამოქალაქო პირებს, რომლებსაც სამხედროებისთვის ჯაშუშობაში ადანაშაულებდნენ. აღმოსავლეთ ნიგერიისთვის მნიშვნელოვან საფრთხეს წარმოადგენს ISWAP, რომელიც 2016 წელს გამოეყო ძირითად ჯიჰადისტურ დაჯგუფება- ბოკო ჰარამს. უსაფრთხოების წყაროების განცხადებით, პარასკევს, გვიან ღამით, ISWAP-ის მებრძოლები ასევე თავს დაესხნენ ქალაქ მონგუნოს, მოკლეს სამი მილიციელი და გაიტაცეს სამი მშვიდობიანი მოქალაქე.

სომალი

სომალის [სპეციალურმა სადესანტო-დივერსიულმა რაზმმა DANAB-მა](#) ჯუბალანდის უსაფრთხოების ძალებთან ერთად ხუთშაბათს ჩაატარეს დაგეგმილი სამხედრო ოპერაცია საპორტო ქალაქ კისმაიოს სიახლოვეს. ელიტარული ჯარები შეიჭრნენ ბერჰანის, ყუდუსის, დარკინ-ურურის და ბარჯელას რაიონებში, კისმაიოს დასავლეთით, ჩაერთნენ ცეცხლსასროლი იარაღით ბრძოლაში ალ-შაბაბთან და მოკლეს ორი ბოვეკი. ალ-შაბაბის ოთხი სხვა წევრი დააკავეს და წაიყვანეს ქალაქ კისმაიოში. რეიდის დროს, მოკავშირე ძალებმა წაართვეს ტერორისტებს იარაღი და გაანადგურეს მათი კუთვნილი ორი მანქანა.

ეთიოპია

კვირას, 19 ივნისს, [თვითმხილველების განცხადებით](#), ეთიოპიაში, ორომიას რეგიონში თავდასხმის შედეგად 200-ზე მეტი ადამიანი დაიღუპა, რომელთა უმეტესობა ეთნიკურად

ამჟამად წარმოადგენდა. თვითმხილველები თავდასხმაში ამბოხებულ ჯგუფს ადანაშაულებენ, თუმცა დაჯგუფება ამას უარყოფს. ეს ბოლო პერიოდის ერთ-ერთი ყველაზე სისხლისმღვრელი თავდასხმაა, რადგან ეთნიკური დაძაბულობა განსაკუთრებით მძაფრდება მოსახლეობის რიცხოვნობის მიხედვით აფრიკის მეორე სახელმწიფოში. მოსახლეობა ჯერ კიდევ შეტევის გაგრძელების მოლოდინშია. ერთ-ერთი თვითმხილველის განცხადებით, ადგილობრივი, ამჟამად თემის მოსახლეობა დგას სხვა ტერიტორიაზე გადასვლის საჭიროების წინაშე, რათა მომდევნო ხოცვა-ჟლეტა თავიდან იქნეს აცილებული. ეთნიკური ამჟამად თემის მაცხოვრებლები, რომლებიც ამ მხარეში დაახლოებით 30 წლის წინ განსახლდნენ, ახლა სასიკვდილოდ იწირებიან.

რუანდა

შაბათს, 18 ივნისს, რუანდის სამხრეთ-დასავლეთ ნაწილში მომხდარ თავდასხმაში, როდესაც შეიარაღებულმა პირებმა საზოგადოებრივ სამგზავრო ავტობუსს ცეცხლი გაუხსნეს, ორი ადამიანი დაიღუპა, ექვსი კი დაშავდა. რუანდის პოლიციის განცხადების მიხედვით, თავდასხმა ეროვნულ-განმათავისუფლებელმა ფრონტმა (FLN), ანტისამთავრობო მოძრაობა დემოკრატიული ცვლილებებისთვის (MRCD) შეიარაღებულმა ერთამ განახორციელა. მთავრობის განცხადებით, [FLN-მ თავდასხმები 2018 წელს](#). ნიუნგვეს ტყის რაიონიდან, ბურუნდის საზღვართან ახლოს მიმდებარედ დაიწყო.

კონგოს დემოკრატიული რესპუბლიკა

გაერთიანებული ერების ორგანიზაციის ექსპერტები იძლევიან გაფრთხილებას ერაყისა და ლევანტის ისლამური სახელმწიფოსა და კონგოს აღმოსავლეთ დემოკრატიული რესპუბლიკის ისლამისტ მეთაურობებზე ჯგუფს შორის მზარდი კონტაქტის შესახებ, რომელიც ცნობილია როგორც [მოკავშირეთა თავდაცვის ძალები](#). იგივე ADF. კონგოს გაეროს ექსპერტთა ჯგუფის მიხედვით, მიუხედავად კონგოს და უგანდის არმიების ერთობლივი, ნოემბრიდან მოყოლებული არაერთი სამხედრო ოპერაციისა, ADF-მა გასული წლის განმავლობაში გააფართოვა თავისი მოქმედების არეალი ოქროთი და ნავთობით მდიდარ პროვინცია იტურში. ამ პერიოდში კავშირი დაეშა და ADF-ს შორის გამყარდა,

თუმცა ექსპერტებმა ვერ მოახერხეს ADF-ზე პირდაპირი „მხარდაჭერის, ბრძანებისა და კონტროლის“ დადასტურებმა. მოხსენებაში აღნიშნული იყო, რომ მეამბოხეები აქტიურობდნენ მთელ ცენტრალურ აფრიკაში, განსაკუთრებით, „ კენისა და ტანზანიის სანაპიროებსა და ბურუნდში“.

ავღანეთი

შაბათს, 18 ივნისს, ქაბულში, სიქების ტაძარზე მომხდარ თავდასხმაზე პასუხისმგებლობა დაეშთან დაკავშირებულმა ტერორისტულმა დაჯგუფებამ აიღო. თავდასხმას სულ მცირე ორი ადამიანი ემსხვერპლა, ხოლო შვიდი დაშავდა. ტერორისტულმა დაჯგუფებამ ISIS KHORASAN-მა თავის [Telegram არხზე განაცხადა](#), რომ თავდასხმა „შურისძიების აქტს“ წარმოადგენდა ინდოეთის მმართველი პარტიის, Bharatiya Janata-ს წევრების მიერ წინასწარმეტყველ მუჰამედის შეურაცხყოფის გამო. ცოტა ხნის წინ, ნუპურ შარმამ, ინდოეთის მმართველი პარტიის სპიკერმა, ახალი ამბების არხზე დისკუსიის დროს წინასწარმეტყველ მუჰამედის შესახებ დამამცირებელი შენიშვნები გააკეთა, რასაც სხვა პარტიული ლიდერების მიერ გაკეთებული ანტიისლამური კომენტარები მოჰყვა. მუსლიმურ სამყაროში ამან დიდი ვნებათაღელვა გამოიწვია. როგორც ქაბულის პოლიცია იტყობინება, შვიდმა თავდამსხმელმა, რომლებიც თოფებით, პისტოლეტებითა და ხელყუმბარებით იყვნენ შეიარაღებულნი, ტაძრის შტურმით აღება შაბათს, დილის საათებში სცადა, მაშინ როცა ტაძარში 30 ადამიანი იმყოფებოდა, რამდენიმე საათში კი ყველა თავდამსხმელი ლიკვიდირებულ იქნა. ISIS-K-ს განცხადებით, მათ სხვადასხვა ასაფეთქებელი მოწყობილობებით ააფეთქეს ავღანეთის სამთავრობო ძალები, რომლებიც ტაძარში მისვლას ცდილობდნენ და დაჯგუფებასთან შეტაკება მოუწიათ. ქაბულში განხორციელებული თავდასხმა დაგმო გაერომ, ევროკავშირმა და ინდოეთის საგარეო საქმეთა სამინისტრომ.

პაკისტანი

შაბათს, 18 ივნისს, პაკისტანის სამხრეთ-დასავლეთ ნაწილში, ბელუჯისტანში, [შეიარაღებული პირები თავს დაესხნენ გზის მშენებლობის სამუშაო ბანაკს](#). რის შედეგადაც სამი მუშა დაიღუპა, ხუთი კი დაშავდა. ბელუჯისტანის პროვინციის მთავრობის წარმომადგენლის განცხადებით, თავდამსხმელებმა პარასკევს, გვიან

სალამოს გახსნეს ცეცხლი ბანაკში, დაწვეს მანქანები და გაანადგურეს ტექნიკა ჰარნაის რაიონის მთიან ნაწილში. ბანაკი ადგილობრივი კომპანიის ნაწილს წარმოადგენს, რომელიც გზის პროექტზე მუშაობს. თავდასხმაზე პასუხისმგებლობა ჯერჯერობით არცერთ დაჯგუფებას არ აუღია, თუმცა სეპარატისტულმა დაჯგუფებებმა, რომლებიც ბელუჯისტანში არაერთი აჯანყების მონაწილეობაში მიიღეს მონაწილეობა, მსგავსი თავდასხმები მოაწყეს არაადგილობრივ მუშაკებზეც, რომლებსაც პროვინციაში სამუშაო ადგილების დაკავებაში ადანაშაულებდნენ. შაბათსვე, ჩრდილოეთ ვაზირისტანში სროლის შედეგად დაიღუპა ერთი სამხედრო და ერთი შეიარაღებული პირი. სამხედროების განცხადებით, შეტაკების ადგილიდან ამოიღეს იარაღი და საბრძოლო მასალა.